



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Liber dissencionum archiepiscopi Coloniensis et Capituli Paderbornensis**

**Dietrich <von Engelsheim>**

**Münster, [1893-1897]**

42. Epistola Illustris Wilhelmi, ducis Brunswicensis, minatoria capitulo  
Paderbornensi scripta.

[urn:nbn:de:hbz:466:1-54427](https://nbn-resolving.org/urn:nbn:de:hbz:466:1-54427)

en wilt uch nicht vordreten laten, dairynne uch bewysen, alse wy uch geloven. Dat wille wy gerne vurdenen. Scriptum die Quintini ect.

Domprovest, deken unde capittel to Paderborn.

Wilhelm unde Hinrick to Brunswig unde Luneborgh hertogen ect.

42. Unsen frundliken grud to vorn, leven bisundern frunde!  
 1431 Sulke gebode, als der erwerdige in God vader, unse  
 11. Octbr. leve here broder unde bisundern vrundt, her Dyderich, ertzebischoff to Colne ect. in jegenwordicheit iuwer eyndeils unde vele(r) prelaten, graven, heren, rittere unde knechte unde vele anderer vromer lude gedaen had, bidde wy ju gutliken, dat gy deme naghan unde ju myt dem genompten unsem heren broder unde bisundern frunde dairumme gutliken verdragen willen, wenn wy nicht gerne seghen, nae dem als syn leve unde wy undir eynander ghewandt syn, dat gy eme sulker geboter uetghyngen<sup>1)</sup> unde ju also over sulche geboder tegen on setten wolden. Unde wy mochten syne leve dairover nicht laten. Geven to Zelle am donredage na Dyonisii under unserm secrete. Anno XXXI.

Den erbaren heren domproveste, deken unde capittel der kerken, burgermestere unde rade der stad Paderborn, unsen guden vrunden.

Alse dusse vorgescrevene breff kam, do sanden dergeliken unse here van Munstere, hertoge Otto van Brunswig to Uszler, de greve van Stromberg, de greven van Waldecke, de greve van Tekeneborg, de greve

<sup>1)</sup> verweigern, sich entziehen.

van dem Retberge unde greve van Wedegensteyn. Do leten de domprovest, deken eynen openen langen clagebreff gan, so hirna volget, an alle heren, umme ere stighte belegen, unde boden sek to rechte unde makeden se der sake wiess.<sup>1)</sup>

T(heodericus), archiepiscopus Coloniensis, Westphalie et Angarie dux, dominus et administrator ecclesie Paderbornensis.

Uch, die erbern unse lieven andechtigen unde getruwen Wilhelm zo Helmwerdishusen, Johan zo dem Abdingkhove, Hermann zo Munster ind Herman zo Herdhusen, ebte, Raven van deme Calenberge, Johan Westphaill, rittere, Berndt van Buren, Berndt van Hoirde, Wilhelm Westphaill, Diderich van Nyhusen, allen Speygeln, Revenen, allen van Padtberg, Hoerde, Asseborg, Kansten, van Brencken, van Ensse unde van Oyenhusen ind de burgermestere ind reede unsir stede Paderborn, Wartberg, Bracle, Burgentrych, Nyem, Buren, Soltkoten ind Steynheym laisse wyr wissen, dat by uns gewesen is Herman Abell, unse burger zo Paderborn ind lieve getruwe, ind hait uns getzoint,<sup>2)</sup> ind is uns ouch van anderen unsen frunden zo verstaen woirden, so wie<sup>3)</sup> kurtzlichen proist, dechen ind capittel unsir kirchen zo Paderborn etzliche van uch, unsir manschafft, steden ind undirsaiszen vorgenompt geen Paderborn vorgeschreven ind sundirlinges vurbodet haben.

Ind, as<sup>4)</sup> sy in yrme capittilhuse dairsulves vergaddert ind by eynander weren, so haben etzlike van den vorgenompten capittelle in yegenwordicheit derselver

<sup>1)</sup> Aufklärung geben. <sup>2)</sup> tzoinen, niederjächsisch tonen = zeigen, anzeigen. <sup>3)</sup> daß. <sup>4)</sup> als.

43.

1431

23. April.